

15
1907
4

輟耕錄卷第五

角端

金華黃先生渭嘗云子將以舉子經學取科第有一賦題曰角端亦曾求其事實否乎余曰未也因記史記司馬相如傳獸則麒麟角端之語退而閱之按注郭璞曰角端音端似豬角在鼻上堪作弓又云似麒麟而無角毛詩疏云麟黃色角端有肉張楫云角端似牛角可以爲弓以此推之豈亦麟之屬與及考符瑞志名臣事略癸辛雜識等書仍始得其詳蓋太祖皇帝駐師西印度忽有大獸其高數十丈一角如犀牛

然能作不語云此非帝世界宜速還左右皆震懾獨耶律文正主進曰此名角端乃旄星之精也聖人在位則斯獸奉書而至且能日馳萬八千里靈異如鬼神不可犯也帝即回馭載稽之前志神禹氏治水功成天降飛莧日行三萬里而未嘗善言也又后土趺蹄之獸至善言而未聞其獨角也軒轅獲飛黃而獨角漢武獲獸并角而五蹄又未嘗聞其能言善馳也及聖祖誕膺天命而角端出焉夫一角者所以明海宇之一萬八千里之涉者所以示無遠弗届也此又天將開天下於大一統之象也至正庚寅江浙鄉試

八月二十二日夜二鼓院中彷彿見一物馳過甚疾其狀若猛獸者軍卒從而喧喚因出角端爲賦題

劈正斧

劈正斧以蒼水玉碾造高一尺有奇廣半之徧地文藻粲然或曰自殷時流傳至今者如天子登極正旦夭壽節御太明殿會朝時則一人執之立於陛下酒海之前蓋所以正人不正之意

興隆笙

興隆笙在太明殿下其制植衆管于柔革以象大匏土鼓二韋橐按其管則簧鳴築首爲孔雀笙鳴機動

則應而舞。凡燕會之日，此笙一鳴，衆樂皆作，笙止樂亦止。

尚食麪磨

尚食局進御麥麪，其磨在樓上，於樓下設機軸以旋之。驢畜之躁踐，人役之往來，皆不能及。且無塵土臭穢，所侵乃巧工瞿氏造焉。

僧有口才

太德間僧瞻巴者，一時朝貴咸敬之。德壽太子病，瘡薨，不魯罕皇后遣人問曰：「我未婦，崇信佛法，以師事汝。止有一子，寧不能延其壽邪？」答曰：「佛法譬猶燈籠風。」

雨至乃可蔽。若燭盡則無如之何矣。此語即吾儒死生有命之意，異端中得此亦可謂有口才者矣。

鄧中齋

鄧光薦先生，號中齋，廬陵人。宋亡以義行著，其所賦鷓鴣詩曰：「行不得也，哥哥瘦妻弱子羸。」犧天長地闊，多網羅。南音漸少，北語多。肉飛不起，可奈何？行不得也。哥哥其意可見矣。又有贊文丞相像曰：「目煌煌化碧，芳踈星曉寒。氣英英，芳晴雷殷山頭碎柱。」芳璧完血。

汪水雲

汪元量先生大有號采雲，天兵平杭日詩曰：西塞山邊日落處，北關門外雨來天。南人墮淚北人唉，臣甫低頭拜杜鵑。又曰：錢塘江上雨初乾，風入端門陣陣酸。萬馬亂嘶臨警蹕，三宮灑淚濕鈴鸞。童兒賸遺追徐福，禡鬼湏當滅，賀蘭若說和親能活國。譚娟應是嫁呼韓，此語尤悲哽。先生詩有《永雲集》。

厚德

徐文獻公琰字子方，至元間爲陝西省郎中，有屬路申解到省誤漏聖字，案吏指爲不敬，議欲問罪。公改其牘云：照得來解內第十行脫去第三字，今將元字道

此發下可重別申來時皆稱爲厚德長者。

毀前朝玉璽

後至元間太師伯顏出太府監所藏歷代玉璽磨去篆文，改造押字圖書及鷹鑿等物，以分散其黨。與蓋先以奏請故也。獨唐武氏一璽玉色瑩白，製作如官印，璞僅半寸許，因不可用，遂付藝文監收之，竟獲永存，豈武氏之智能料之乎？

披秉歌訣

天子郊祀與祭太廟，日、百官陪從者皆法服。凡披秉湊依歌訣，次第則免顛倒之失。歌曰：襪履中單黃帶先

裙袍蔽膝綬紳連方心曲領藍腰帶玉珮丁當冠笏全

三教

李木魯仲子輩公在翰林時進講罷上問曰三教何者爲貴對曰釋如黃金道如白璧儒如五穀上曰若然則儒賤邪對曰黃金白璧無亦何妨五穀於世豈可一日闕哉上大說

授時曆法

授時曆要法歌曰授時曆法君要知但以九年舊曆推古云但春九年兔望日便是今年正月一月大月小起初一看其初一天

地支天不言干者爲詩句所拘舉支以見干也當推九年前曆每月初一一是何干支便以此干支依後法三去數也子至申九數也即以戊申爲今月朔大月天干五支九且如大月天干五支九數也子至申九數也即以戊申爲今月朔大月天干五支九且如小月支八假令初十一日丙寅至己四數也寅至酉八數也即以己酉爲今月朔古云前九之年起算法大月五十九小月大三十日無差如初一日至次月朔四十八日即月小也節氣只憑九年小分明只廿九如月朔數至次月朔止廿九日即月小也節氣只憑九年

曆假若造申午年曆則看丙戌年節氣年中是何節亦夫十三數地支七假如癸亥日癸見大要知今年節三數亥見己七數也熟記二十四氣真端的要知今年節悉則看前九年月中是何節亦交節未用未時亦交也中未始之若依此法箇中推方省陰陽玄

奧處閏月本來中氣無古云閏月無中氣何勞物外更它圖
世人譖得神仙術不是愚氓是丈夫又歌曰九年二月半便是正月一前九年二月十五日辰即今年正月初十一日辰該三九十七箇牛月二千八百八十日六甲轉四十八周只九年中取大小無差失又歌曰若要立春相衝對食神假如前九年甲子白立春十四未巳此午日立春也閏月無中氣說與惺惺人又一法云古有數九九之語蓋自至後起數至九九則春已分矣正如至後一百六日爲寒食之類豈特此爲然凡推算皆有約法推閏歌括云欲知來歲閏先算至之餘更看太小盡決定不差殊謂如來歲合置閏止以


今年冬至後餘日爲率且如今年十十月二十二日冬至則本月尚餘八日則來年之閏當在八月或小盡則七月若冬至在上旬則以率日爲斷十二日足則復起二數焉推節氣歌括云中氣與節氣但有半月隔若要知仔細兩時零五刻謂如正月甲子日子時初初刻立春則數至己卯日寅時正一刻則是雨水節也推立春歌括云今歲先知來歲春徂隔五日三時辰謂如今年是甲子日子時立春則明年合是己巳日卯時立春若夫刻數則用前法推之又求節氣歌曰驚蟄五時一刻求清明十時四刻流立夏一

日三時六芒種一日九時周小暑二日二時二立秋
二日七時四白露三日零六刻寒露三日六時至立
冬三日十一太雪四日四時四小寒四日九時六
五日三時交新歲節遇子時加一日此爲捷法君須
記又一年約法云一周年三百六十五日零三時一
月節三十日零五時二刻半月一氣十五日零二時
五刻又食神定法云甲食丙乙食丁丙食戊丁食己
戊食庚己食辛庚食壬辛食癸壬食甲癸食乙其捷
要但取我生之干陽配陽陰配陰是也又時刻約法
歌云二十四炁漸差除循環時刻四同途單逢正四


換初一正三依舊復初初又乘除法推算二十四氣
時刻云其法不論何歲何月但以日爲百數時爲十
數刻爲零數初一至初十於百上下數如過初十於
午上下數假如正月十一日亥正一刻立春欲求中
氣則先下一千一百數十日故也再下十二數亥
時故也如子丑二之類復加一千五百二十五數
共得二十七三三則二十七日寅初二一刻雨水也何以
知爲初二刻蓋零一數初初刻二數初一刻五數初
二刻四數初三刻五數正初刻六數正一刻七數正
二刻八數正三刻此立成法也今零三數是乃初二

刻矣欲求一月節則於前數上加三十五二五即前一千五百二十十五也此頃數節爲前正月小盡除去二十九日如遇大月除去三十日算中悉則不除大小月剩下一三五八則十三日辰時正三刻驚蟄也餘倣此日入刻爲一時如遇二十九刻以上則退八刻爲二時也

時刻約法之圖



功布



喪大記云。士葬用國車。國音船示專反或作園又誤作國比出官用功布。注云。比出官用功布。則出官而止。至廣無矣。舊圖云。功布謂以太功之布長三尺。以御柩居前爲行者之節度。又隱義云。羽葆功布等其象皆如麾。則旌旗無旒者周謂之大麾。既夕禮云。商祝執功布。以御柩。執披賈釋云。謂以葬時乘人故有柩車。

前執引者及在柩車傍執披者皆御治之。又注云。居柩車之前。若道有低仰傾虧。則以布爲抑揚。车右之節使執引者執披者知之也。道有低謂下阪時也。道有仰謂上阪時也。傾虧謂道之兩邊在柩車左右轍有高下也。若道有低則抑下其布。使執引者知其下阪也。若道有仰則揚舉其布。使執引者知其上阪也。若柩車左邊右邊或高下傾虧亦左右布使知道有傾虧也。假令車之東轍下則抑下其布向東使西邊執披者持之。若車之西轍下則抑下其布向西使東邊執披者持之。所以然者使車不傾虧也。大夫御柩

以某諸侯以矛葆天子以纛指引前後左右皆如功布之施爲也又旣夕禮將葬谷肆也商祝免祖執効布入自西階注云功布灰治之布也執之以接神爲有所拂拂賈釋云拂拂猶言拂拭也故下經云商祝拂拂用功布是拂拭去塵也此始告神而用功布拂拭謂拂拭去凶邪之炁也

出聶崇義三禮圖

人中

錢唐陳鑑如以寫神見推一時嘗持趙文敏公真像來呈公援筆改其所未然者因謂曰唇之上何以謂之人中若曰人身之中半則當在臍腹間蓋自此而上

眼耳鼻皆雙竅自此而下口暨二便皆單竅三畫陰三畫陽成泰卦也

發燭

杭人削松木爲小片其薄如紙鎔硫黃塗木片頂分許名曰發燭又曰猝兒蓋以發火及代燈燭用也史載周建德六年齊后妃貧者以發燭爲業豈即杭人之所製與宋翰林學士陶公穀清異錄云夜有急苦於作燈之緩有知者批松條染硫黃置之待用一與火遇得酸穗然旣神之呼引光奴今遂有貨者易名火寸按此則猝寸聲相近字之譌也然引光奴之名爲

新

嫁故人女

沈仲說右姑蘇人年四十未有子其妻鄒氏候其室適爲置一年少貌美之妾及歸命出拜將以奉枕席仲說詢其鄉貫祖父來歷始不肯言詢之再泣而曰妾范復初女也父喪家貧老母見粥於此仲說惻然淚下因囑妻曰此女父吳中名士乃吾故人豈可以爲妾當如已子視之即尋其母使擇婿仲說備奩具嫁之那人無之至今不置夫嫁人之女爲妾爲妓爲娼者古有其人矣今則未聞也仲說誠賢矣哉

平反

中書左丞李忠宣公德輝字仲實通州潞縣人至元七年庚午公爲戶部尚書歲旱蝗世祖特命公錄山西河東囚行至懷仁民有魏氏發得木偶持告其妻挾左道厭勝謀殺已經數獄服詞皆具自以爲不免公燭其誣召鞠魏妾榜掠一加服不移晷蓋妬其女君謂獨陷以是罪可必殺之也即直其妻而杖其夫之溺愛受欺當妾罪死觀者袖之或咨賞泣下

勘釘

姚忠肅公至元二十年癸未爲遼東按察使武平縣民

續井錄

第五卷

劉義訟其嫂與其所私同殺其兄成縣尹丁欽以成屍無傷憂憇不食妻韓問之欽語其故韓曰恐頂顧有釘塗其迹耳驗之果然獄定上讞公召欽諦詢之欽因矜其妻之能公曰若妻處子邪曰再醮令有司開其夫棺毒與成類并正其辜欽憤卒時比公爲宋包孝肅公拯云

碑志書法

嘗聞諸翰林太老云古碑刻中單書國號曰漢曰宋者蓋其建國號詔曰漢曰宋也我朝太元二字在詔旨不可單用又凡書官銜俱常從實如廉訪使總管之

類若曰監司太守是亂其官制又遠莫可考矣又篆蓋二字止可施諸璣石若於碑湏曰篆額爲是

雕刻精絕

詹成者宋高宗朝匠人雕刻精妙無比嘗見所造鳥籠四面花版皆於竹片上刻成官室人物山水花木禽鳥蟲悉俱備其細若纏而且玲瓏活動求之二百餘年無復此一人矣

題跋

劉湊溪先生會孟題蘇李泣別圖云事已矣泣何爲蘇武節李陵詩噫馮海粟先生子振題楊妃病齒圖云

華清宮一齒痛馬嵬坡一身痛漁陽鼙鼓動地來天下痛陳伯敷先生繹曾題楊妃上馬嬌圖云此索清平調詞赴沉香亭時邪抑聞漁陽鼙鼓聲赴馬嵬坡時邪上馬固相似情狀大不同觀者當審諸余觀三先生之跋語痛快嚴峻抑揚感傷使後世之爲人君而荒於色爲人臣而失其節者見之寧不知懼乎

隆友道

張毅父先生于載廬陵人而宋丞相文公友也公貴顯時屢以官辟不就江南既內屬公自廣還過吉州城下先生來見曰今日丞相赴北某當偕行既至燕寓

于公囚所側近日以美饌餽凡三載始終如一且潛製櫝公受刑日即以藏其首復訪求公之室歐陽氏於俘虜中俾出焚其屍先生收拾骸骨襲以重囊與先所函櫝南歸付公家葬之後公之子忽夢公怒云繩鋸髮斷明日起視果有繩束髮其英爽如此劉湏溪紀其事贊于公畫像上曰間居忽忽萬古咄咄天風慘然如動生髮如何尋約亦念東芻豈其英爽猶累形軀同時之人能不穎泚昔忌其生今妬其死鄧中齋題曰目炯炯兮蹠星曉寒氣鬱鬱兮晴雷殷山頭碎柱兮璧完血化璧兮心丹嗚呼曾謂斯人

不在世間

朱張

宋季年群亡賴子相聚乘舟鈔掠海上宋清張瑄最爲雄長陰部曲曹伍之當時海濱沙民富家以爲苦崇明鎮特甚清嘗傭楊氏夜殺楊氏盜妻子貨財去若捕急輒引舟東行三日夜得沙門島又東北過高句麗水口見文登夷維諸山又北見燕山與碣石往來若風與鬼影迹不可得稍怠則復來亡慮十五六返私念南北海道此固徑且不逢淺角識之

杭吳明越
楊楚與幽
水中有流積堆於江沙其長無際浮海者以羊料淺深

此淺生角故曰料
角明不可度越云廷議兵方興請事招懷奏可清瑄即日來以吏部侍郎左遷七資最下丁等授之令部其徒屬爲防海民義隸提刑節制水軍江南旣內附二人者從宰相入見授金符千戶時方輓漕東南供京師運河隘淺不容大舟不能百里五十里輒爲堰滌水又絕江淮遯泗水呂梁彭城古稱險處會通河未鑿東阿茌平道中車運三百里轉輸艱而糜費重二人者建言海漕事試之良便至元十九年也上方注意嚮之初年不過百萬石後乃至二百萬石二人者父子致仕宰相弟姪甥婿皆大官田園宅館偏天下庫藏

倉廩相望巨艘大舶帆交番夷中輿騎塞隘門巷左右僕從皆佩於菟金符爲萬戶千戶累爵積貲氣意自得二人者旣滿盈父子同時夷戮殆盡沒貨產縣官黨與家破禁錮大德六年冬也

見胡石塘先生所撰何長者傳

交誼

陳子方閔仲達同舍生也皆待次杭府史陳月日在前閔以計力反先之陳殊無怒意因赴都以薦舉入仕歷官浙西廉訪司僉事閔方陞書吏聞陳來嘆曰復何面目見之遂稱疾不出陳下車即問左右曰閔仲達何在衆以疾對陳曰必爲我故非疾也亟造其家

閔皇恐出肅陳曰吾與君氣誼契厚君昔先我而食祿者命也使非此吾又能致是耶今幸同上公署惟有以教正之幸甚寧舍我與閔感激從事相好如初假宅以死

吾鄉周待制先生仁榮字本心築一室纔落成友人楊公道與疾至門曰願假君新宅以死先生讓正寢居之妻子咸不然先生弗顧未幾楊死箱財廿八莫有三者楊之弟詣先生求分財先生曰若兄寄死於我意固在是喪事之費自己出終不利其一毫對衆封籍自平陽呼其子來悉付與之

清風堂屍迹

福州鄭丞相府清風堂石階上有臥屍迹天陰雨時迹尤顯蓋其當宋季以寡年登科未幾拜相至今間巷表之曰耆德魁輔之坊鄭顯時侵漁百姓至奪其屋廬以廣居宅有被逼抑者遂自殺於此今所居爲官執豪奪子孫不絕如綫因記宋臨川吳曾能改齋漫錄云建炎四年五月楊勍叛卒由建安寇延平道出小常村掠二婦人逼脅欲犯之婦人毅然誓死不受汚遂遇害橫屍道傍賊退人爲收瘞之而其屍枕籍處痕迹隱然不滅每雨則其迹乾晴即濕宛如人影

往來者莫不嗟異鄉人或削去之隨即復見覆以它土而其迹愈明今三十年矣與順昌軍員范旺事畧同但范現迹街磚而此現於土上耳范死以忠婦死以節小常村去劍浦縣治二十里以漫錄言之則二人之死足以驚動萬世宜其英烈之氣不泯如此若清風堂者不過冤抑之志不得伸以決絕於一時耳亦何爲而然哉豈幽憤所積結致是邪此理殆不可曉

坐右銘

翰林學士盧疎齋先生摯字處道涿郡人坐右銘大書

卷之五
十六
「天字其下細注六字云有記性不急性可謂知畏失者矣」

掘墳賊

杭瑪瑙寺僧溫日觀能書所畫蒲萄湏梗枝葉皆草書法也性嗜酒然楊總統飲以酒則不沾唇見輒罵曰掘墳賊掘墳賊云

廉介

李仲謙思讓滕州鄒縣人前至元間由嘉興路更貢補浙西按察司書吏廉介有爲上侍父母下撫兩弟每退食自公則閉戶讀書積今考古而教訓之俸薄奉

養不給婦躬紡績以益薪水之費仲謙止有一布衫或湏浣濯補綉必俟休暇日至是若賓客見訪則俾小子致謝曰家君治衣弗可出雷彥正號苦齋者清正慎許可人也時爲使偶戲謂曰外郎穿布衲到敢裹着珍珠仲謙畧不答徐至本案書寫辭退呈狀壓凡上而歸使知深悔失言親謁謝過請其出終不允使去他使來復往請始復役後仕至憲官

甲午節氣

至元三十一年甲午歲節泰正月一日壬子立春二月二百癸未驚蟄三月三日癸丑清明四月四日甲申

立夏五月五日甲寅芒種六月六日乙酉小暑七月
七日己卯立秋八月八日乙酉白露九月九日丙辰
寒露十月十日丙戌立冬十月十一日丁巳大雪

十一月十二日丁亥大寒

先輩謙讓

武林錢思復先生惟善嘗言年十六七時以詩見息齋
李公於州橋寓居既葬公公荅拜命坐辭之再公曰
仲尼之席童子隅坐因不敢辭徐永之先生爲江浙
提舉日客往訪之者無間親疏貴賤必送之門外凡
客請納步則曰不可婦人送迎不踰閨右二事可見

前輩諸老謙恭退抑汲引後進待人接物者如此

雙竹杖

曰廷玉先生珽號湛淵錢唐人家多竹忽一竿上岐爲
二人皆異之賦雙竹杖詩未幾先生歿先生有二子
或以爲先兆云

輟耕錄卷第五

目錄正序
序文
題辭
序文
序文

輟耕錄卷第六

蘭亭集刻

蘭亭一百一十七刻裝褫作十冊乃宋理宗內府所藏
每版有內府圖書鈴縫玉池上後歸賈平章至國朝
有江南八十餘年之間凡又易數主矣徃在錢唐謝
氏處見之後陸國瑞携至松江因得再三披閱併錄
其目真傳世之寶也

甲集一十二刻

州郡

修城本葉仲
山跋定武濶行若合一契行濶定武肥

定武瘦葉仲
山跋定武板刻霍子
明跋定武缸石

定武斷石

定武古刻

兩京斷石

永興

古懿郡齋

宣城

乙集一十三刻

舊梅花

三衢板刻

安吉古苔真草

臨川麻石

臨賀

豫章二

靜江府

復州

鼎州後有武陵二字

古潭

新梅花

宣城南陵

丙集一十刻

蘇州府治

福州府治

福州棗木

道州

金陵三米

米芾米友仁米尹知

永嘉

古雪斷石

隆州

郴州

蘭亭重言

丁集一十刻

紹興府治二

紹興倉司

紹興府學

紹興古刻

餘姚縣治

曲水詩蘭亭

曲水詩前

曲水詩後

戊集一十刻

婺州府治

褚遂良摹

高宗臨定武

米友仁跋

卷

唐貞觀

太清開皇

祕首

內殿

內司四

京師玉堂

已集九刻 雜集

玉枕

花石

柳誠懸 大字

唐人硬黃臨

唐人雙鈞

晉唐刻

孫過庭草

京師鵝黃棗木

印黃紙

彭城小字

庚集一十一刻 故家

蔡君謨臨

薛紹彭

秦少游小字

安定家藏

辛道宗

建康晁謙之

紹興湯氏

南昌京氏

廬陵胡氏

蜀劉涇

唐摹刻

吳詵草書

吳璜

劉無言臨

龍潭潘氏

方朔習寫

周平所藏

臨江張氏

天台丁氏

新安汪氏

江西故家

廬山甲秀堂

九江陶氏

循王家藏

米芾跋云壬午閏六月九日大江濟川亭纓寶晉齊艎對紫金浮玉群山迎快風消暑重裝

番易洪氏

壬集一十四刻

金陵畢氏

廬山吳氏

紹興曾氏

紹興石氏二

昆陵尤遂初

李忠愍所刻

新唐李氏

江陰丘氏二

東陽郭氏

昌谷曹氏三

癸集一十四刻

趙虛齋

呂氏家藏

建鄴朱氏

大梁曾朴

陸子與

韓松

陸載之

胡氏將

玉林二

趙菊坡

不題名二

錢唐李和

禊帖考

姜白石先生禊帖偏傍考云○永字無畫發筆處微拆
轉○和字口下橫筆稍出○年字懸筆上湊頂○在
字左反剔○歲字有點在山之下戈畫之右○事字
脚斜拂不挑○流字內八字處就回筆不是點○殊
字挑脚帶橫○是字下足凡三轉不斷○趣字波畧
反挑向上○欣字欠右一筆作章草發筆之狀不是
捺○抱字已開口○死生亦大矣字是四點○興
感字戈邊是直作一筆不是點○未嘗不字下毛
反挑脚處有三闕○右法如此甚多畧舉其太槩持

此法亦可以觀天下之蘭亭矣五字損本者湍流帶若天五字有損也

喪師衰經

顧德玉字潤之，號李人。自幼從寧國路儒學教授俞觀光先生學。先生無子，嘗與人曰：「吾昔寢疾于杭，潤之侍湯藥情至切。若父子醫爲之，感動弗忍。」受金。今我行且老，必託之以死。既而訪醫吳中，病且革，趣舟歸渭之進次尹山。卒時後至，元初元閏十二月戊子也。明日乃至，攜李潤之奉其屍，斂于家，衰絰就位。邦人士爲潤之來弔者，潤之拜之。越明年，葬于海鹽近顧。

氏之先塋歲時祭享惟謹。或曰：歛于家禮與曰：吾聞師哭諸寢，又云生於我乎館，死於我乎殯。非家歛之，則將師尸委諸草莽。生服其訓死，而委諸草莽，有不心者弗爲也。曰：師無服而爲衰絰，固近於掠美者矣。曰：疑衰加麻之經帶禮也。故曰：二三子經而出至葬除之心喪戚容終三年。夫民生於三師居其一於父子也，何異今吾則加丁等以行之？蓋出於人之心天理之本然。若之何？其惑也。聞者嘆伏。先生諱長孺，越之新昌人。吁聖遠言，湮世道不古久矣。朝爲師生，而莫若途人者，比比皆是。潤之乃獨能行人之所難行於

不可行之時，蓋絕無而僅有者，真仁矣哉！天下後世之爲人弟子，而忘其師聞潤之之言，寧不有動于中歟？

法帖譜系

法帖譜系云：熙陵以武定四方，載橐弓矢，文治之餘留意翰墨，乃出御府歷代所藏真蹟，命侍書王著摹勒刻板，禁中釐爲十卷，各於卷尾題奉聖旨，模勒入石，此歷代法帖之祖。

淳化法帖

灤陽帖

鼎帖

劉丞相私第本

碑匠家本

大觀大清樓帖

慶曆長沙帖

三山木本

長沙新刻本

二王府帖

黔江帖

蜀本

紹興監帖

臨江戲魚堂帖

長沙別本

廬陵蕭氏本

北方印成本

烏鎮張氏本

新縫本

福清李氏本

東庫本

絳本舊帖

亮字不全本

北方別本

武岡舊本

福清本

武岡新本

烏鎮本

彭州本

資州前十卷

木本前十卷

又木本前十卷

評帖

劉後村先生云閣帖爲祖_引絳帖次之_{二十}臨江又次
乏潭又次之武岡又次之太觀尤妙武岡佳者可亂
絳臨江佳者可亂閣潭乃僧希白所穢有江左風味
希白工於摹字拙於尋行數墨文理錯繆然則雖工
其如難讀何其字比之淳化帖爲勝東坡推潭帖勝
閣帖韓子胄家開群玉帖字好薛紹彭亦有家塾帖
好

淳化祖石刻

太梁劉衍卿_{世昌}云太德己亥婦翁張君錫攜余同觀

淳化祖石帖卷尾各有題識第一卷邊高平范仲淹
曾觀年月日題第五卷東坡張文潛等題又有姜白
石小楷三四十字第六卷洛陽伊川老夫不知爲何
人又太學博士陳士元云此正祖石又有蘇舜欽題
第七卷陳簡齋奉旨觀於秋香亭下云魏晉法書非
人間所有自我太宗皇帝刻石寵錫下方見不滿十
數臣與義頓首謹書第八卷蘇頌云此帖世不多見
是日賞牡丹得觀於相君西齋張舜民題亦在此卷
第十卷太宗書淳化四年六月廿二日賜畢士安賜
字上寶後段畢永相黃字書子孫保享等語百餘字

逐卷有高宗內府印百餘顆後有賈氏長字印又有
一小印合縫云是蔡太師印山和尚錦裝褫籤頭題
云淳化祖石刻及見吳郡陸友仁又云嘗觀褚伯秀
所記江南李後主命徐鉉以所藏古今法帖入石名
昇元帖此則在淳化之前當爲法帖之祖劉陸之說
殊不相合偶讀劉跋暇日記亦載此事云馬傳慶說
此帖本唐保大年摹上石題云保大七年倉曹參軍
王文炳摹勒校對無差國朝下江南得此石淳化中
太宗令將書館所有增作十卷爲版本而石本復以
火斷缺人家時收得十二卷然閣帖於各卷尾篆書

櫟音栓閨門機也

題云淳化三年壬辰歲十十月六日奉聖旨模勒上石此侍書王著筆也而陳簡齋亦云太宗刻石則衍卿所謂祖石刻豈卽南唐時帖乎抑太宗增刻者但不知南唐亦作十卷否徐鉉馬傳慶二說又不同今世言淳化閣帖用銀錠櫟棗木板刻而以澄心堂紙李廷珪墨印者則傳慶板本之說合故趙希鵠洞天清錄集亦云用棗木板摹刻故時有銀錠紋用李廷珪墨打手指之不汚手余嘗見閣本數十止三本真者其紙墨法度種種迥別妙在心悟固難以言語形容然又傳仁宗嘗詔僧希白刻石于秘閣前有目錄

卷尾無篆書題字所謂祖石刻者豈卽此與

家翁

世言家之尊者曰家主翁亦曰家公唐代宗謂郭子儀曰鄙諺有云不癡不聾不作家翁

奴材

世之鄙人之不肖者爲奴材郭子儀曰子儀諸子皆奴材也

沙鷲

湖南益陽州夜中同寢之人無故忽自相打每每有之名曰沙鷲土人熟此不以爲異唯取冷水噴噀候稍

息飲之湯徐就醒然猶二三百如醉餘不知者殊用驚駭

孝行

延祐乙卯冬平江常熟之支塘里民朱良吉者母錢氏年六十餘病將死良吉沐浴禱天以刀剖胷割取心肉一巵煮粥以飲母母食粥而病愈良吉心痛就榻不可起隣里憐其且欲絕乃哀財命願貞觀道士馬碧潭者醮告神明祈陰祐之是日邑人俞浩齋聞而過其家觀良吉曾間瘡裂幾五十寸氣騰出痛莫能言愈爲納其心以桑白皮線縫合未及期月已無恙矣

予因述其事以爲勸郡宋翠巖先生有詩紀之
其小序曰夫孝爲百行宗人以父母遺體而生乳哺
鞠育教誨劬勞其恩號罔極然而剖心割股恐其傷
生而或死也父母存而子死故又有禁止之令焉觀
今世降俗薄悖逆其父母者視良吉何如哉如良吉
者自當旌異爲世教勸而有司曾莫能省原其一念
之純剖心之際動天地感鬼神固不待賞之於有司
而天地神明固已陰錄其孝矣太上感應篇所謂若
人者人敬之天佑之福祿隨之衆邪遠之神靈衛之
今日謝世明日爲地下王進補仙階若良吉者有焉

故爲顯白其孝以爲人子之勸省也宗儀之先人有孝感一事人多傳道會稽張君思廉嘗書于楊鐵崖先生所譏墓銘之後矣今併錄于此云元故自雲漫士陶明元氏諱煜弱冠時用道家法事所謂玄武神甚謹明元母病心痛痛則拍張跳躅齒牀竇衾褥號呼以絰苦楚歲瀕死者六七發醫莫能愈明元每搃心嚼舌以代母痛一日危甚計無所出走禱玄武前曰割股割肝非先王禮在法當禁其非不知也今事急矣敢犯死取一巒爲湯劑神爾有靈疾庶幾其瘳禱畢卽引刀欲下忽有一童自外躍入叱曰毋自損

我天醫也明元大駭伏地乞哀童子取案上筆書十數字于几面擲筆一童子咸化地隨呼家人救之巽以水良久蘇乃鄰氏兒也叩之無所知焉視其書藥方也隨讀隨隱明元私喜曰此必玄武神也吾母其瘳矣卽如方治之藥甫及口而痛已失終母身不再舉張子曰齊諧志恠聖人不道左氏尚誣君子非之明元之事遂昌鄭元祐狀行會稽先生楊維楨誌墓皆不書非逸也畏譏而削之也彼以謂玄武神者西方之氣也莽蒼無知非如俞跗岐扁能切脉察色投湯熨火抉腸剔胃以取人疾在理所不通故不書

雖然動天地感鬼神莫大乎孝焉知冥冥中英魂烈氣不散者或如俞跗岐扁依馮精魄以遂孝子之請也不然何穹然漠然之體而有所謂天監乎明元子宗儀與余友善其寓殯又在玉笥山下去余居不遠以是得其實尤詳故寧受左氏之譏不敢沒明元之孝書曰與其殺不如寧失不經先主之過蓋如此會稽張憲譏

廉使長厚

徐文獻公爲浙西廉使時治所尚在平江有旨遷置于杭歲云莫矣擇日啓行一書吏者掌照刷支郡諸司

案牘官吏合受稽違罪責已皆取狀至寔引決公謂曰正旦在邇此曹乃職官俸吏禮宜陪位望闕致賀受刑而從事無耻也否則爲不敬盍別議之吏以白于幕宦因進曰相公長厚之道固如此然將若之何公曰奚難立案候明年分司施行可也庭下歡聲如雷此亦厚風化之一端故記之

私第延賓

公旣遷司至杭一日有本路總管與一萬戶謁公私第公以賓禮延之上坐適書吏從外來見而趨避伺其退入見曰總管萬戶皆屬官耳得無禮貌之過與公

曰在公府則有尊卑之辨若私宅湏甫主客之分我輩能廉介則百司自然知懼何待特威執以驕凌之然後爲尊嚴乎吏報充甚

句曲山房熟水

句曲山房熟水法削沉香釘數箇挿入林禽中置餅內沃以沸湯密封餅口义之乃飲其妙莫量

吾竹房先生

吾子行先生衍太末人太父爲宋太學諸生因家錢唐先生疎曠故高不事之節其所厭棄者或請謁從棲上遙謂曰吾出有間矣顧彈琴吹洞簫撫弄如意不

輟求室委巷教小學常數十人與客對笑談喧樓上下群童一是肅安其所著述有尚書要略聽玄集造玄集九歌譜十二月樂譜辭重正卦氣楚史檮杌晉文春秋兼通聲音律呂之學工篆書初先生年四十五未娶所知宛丘趙君天錫爲買酒家孤女爲妾年饑女嘗事人後夫知妻在先生所訟之因逮妾父母父母至客先生家又僞楮幣事覺因言舍主人先生固弗知因遷梓辱先生南出數百步錄事張君景亮識先生叱還曰是不知情攝之何爲卽解縱遣歸先生不勝慚明白持玄條緇笠詣仇山村先生別值晨出

因留詩一章。詩有西冷橋外斷橋邊之句。意將從靈均於斯明白。有得遺履於橋上者。後衛太隱以六王筮之。得亥子丑順流象曰。是其骨朽淵泥。九十日矣。西湖多寶院僧可權從先生學。聞先生之死。哭甚哀。乃葬先生遺文於後山。與其師骨塔相對曰。皆吾師。仍乞銘於胡石塘先生。庶幾先生有後世名。銘曰。生弗瀆死。弗辱貞哉。白余習篆書。極愛先生翰墨。得一紙半幅。如獲至珍。以故於書法頗有助偶。與鄭遂昌先生談。先生之始末。就識之。竹房竹素貞白。皆先生號也。

抗疏諫伐宋

何公巨川者。京師長春宮道士也會。世皇將取宋。乃上疏抗言。宋未有可伐之罪。遂命副國信使翰林學士郝文忠公經使江南。歿於真州。至正間。詔追贈一品官。有人作詩悼之。云奇才不泄神仙事。抗疏曾干世祖知。每恨南邦本無罪。比留北使欲何爲。忠冤久掩孤城館。褒謗新鐫二品碑。地上若逢姦似道。爲言故國黍離離。

髮臍

婦人頭髮有痔。爲膏澤所黏。必沐乃解者。謂之臍。按故

工記弓人注云，植亦黏也。音職則，髮植之植正當用此字。

鬼贓

陝西某縣一老嫗者住村莊間。日有道流乞食與之無客色。忽問曰：汝家得無爲妖異所苦乎？嫗曰：然。曰：我爲汝除之。卽命取火焚囊中符篆項之聞。他所有震霆聲曰：妖已誅殛。纔遁其一廿年後汝家當有難。今以鐵簡授汝。至時亟投諸火。言訖而去。自是久之。嫗之女長而且美。一日有曰太王者騎從甚都。借宿嫗家。遣左右謂曰：聞嘗得異人鐵簡。可出示否？蓋嫗平

曰：數爲他人借觀。因造二偽物而以真者懸腰間。不置也。遂用僞獻留不還。謂曰：可呼汝女行酒以疾辭。太王怒。便欲斬爲姦意。嫗竊思道流之說。計算歲數又合。乃解所佩鐵簡。投酒罷。火內既而電掣雷轟。烟火滿室。湏臾平息。擊死獮猴數十。其一最鉅。疑即向之逃者所齎。隨行器用悉係金銀寶玉。赴告有司籍入官庫。泰不華元帥爲西臺御史。日閱其案。宋語曰：鬼贓云。余親聞泰公說甚詳。且有鈔具案文。惜不隨記錄。今則忘。邑里姓名歲月矣。

居士

今人以居士自號者甚多。考之六經中惟禮記玉藻有曰居士錦帶注謂道藝處士也。吳僧能改齋漫錄云居士之號起於商周之時。按韓非子書曰太公封於齊東海上有居士任商華士昆弟二人立議曰吾不臣天子不友諸侯耕而食之掘而飲之吾無求於人無上之名無君之祿不仕而事方云然則居士云者處士之類是已。

官奴

今以奴爲官奴即官婢也。周禮天官酒人奚三百人注今之待史官婢。



右此石是南唐寶石久爲吾齋研山今被道祖易去
中美舊有詩云研山不易見移得小翠峯潤色裏書
几隱約烟朦朧巖自古獨立高崧龍安知無雲
霞造化與天通立壁照春野當有千丈松崎嶇浮波
瀾偃仰蟠蛟龍蕭蕭生風雨儼若山林中塵夢忽不
到觸目萬慮空公家富寄石不許常人同研山出層
碧爭巒寶天工淋漓上山泉滴瀝助毫端揮成驚世
文主意皆逢原江南秋色起風遠洞庭寬往往入佳
趣揮掃出妙言願公珍此石美與衆物肩何必嵩少
隱可藏爲地仙今每誦此詩必懷此石近余亦有作

云研山不復見哦詩徒嘆息唯有玉蟾蜍向余頻淚
滴此石一入渠手不得再見每同交友往觀亦不出
示紹彭公真忍人也余今筆想成圖彷彿在目從此
吾齋氣秀尤不復泯矣崇寧元年八月望米芾書余
二十年前嘉興吳仲圭爲畫圖錢唐吳孟思畫文後
携至東興燬于兵偶因清暇默懷往事漫記于此

衛夫人

翰墨志云衛夫人名鑠字茂漪晉汝陰太守李矩妻善
鍾法能正書入妙王逸少師之西溪叢語云夫人廷
尉展之弟恒之從妹中書郎李充之母

親家

凡男女締姻者兩家相謂曰親家此二字見唐蕭嵩傳今北方以親字爲失聲按盧綸作王駢馬花燭詩云人主人臣是親家則是亦有所祖親家又曰親家翁五代史劉昫傳昫與馮道爲姻家而同爲相道罷李愚代之愚素惡道之爲入凡事有稽失者愚必指以誚昫曰此公親家翁所爲蘇氏開談錄馮道與趙鳳同在中書鳳有女適道中子以飲食不中爲道夫人譖罵趙令婢長號知院者來訴凡數百言道都不答及去但云傳語親家翁今日好雪

梵嫂

唐鄭熊番禺雜記廣中僧有室家者謂之火宅僧宋陶穀清異錄京師大相寺國僧有妻曰梵嫂

房老

王子年拾遺記石季倫有妾名朔風及色衰退爲房老

王子平著
輟耕錄卷第六

輟耕錄卷第六

